



NATIONAL SENIOR CERTIFICATE EXAMINATION  
NOVEMBER 2020

**SISWATI LULWIMI LWASEKHAYA: LIPHEPHA II**  
**SISWATI HOME LANGUAGE: PAPER II**

**MARKING GUIDELINES**

Sikhatsi: 3 emahora

Emamaki: 100

---

**These marking guidelines are prepared for use by examiners and sub-examiners, all of whom are required to attend a standardisation meeting to ensure that the guidelines are consistently interpreted and applied in the marking of candidates' scripts.**

**The IEB will not enter into any discussions or correspondence about any marking guidelines. It is acknowledged that there may be different views about some matters of emphasis or detail in the guidelines. It is also recognised that, without the benefit of attendance at a standardisation meeting, there may be different interpretations of the application of the marking guidelines.**

---

**SIGABA A                      TEMIBHALO**

**UMDLALO                      *Tigigaba Talomhlaba: S.R. Nsibandze***

**UMBUTO 1**

**1.1      Nankha emaphuzu langasetjentiswa nakuphendvulwa lombuto:**

- Temahlungwane uyetyele imphilo yasedolobheni njengobe afundzela kuba ngumhlengikati. Takhona wakhangwa lidolobha.
- Temahlungwane uyintfombatana lecotfo, uyatihlonipha, uhlonipha nebatali bakhe. Akafuni kubafaka ehlazweni. Akasijabuleli sento sadzadzewabo sekulahla indvodza yakhe nebantfwabakhe.
- Uyamtsandza Sikheshe, akabuki kutsi akakafundzi njengaye. Umtsandza anjalo.
- Utawusebenta abe ngumhlengikati, utawuhola imali lenyenti. Loko kungamenta kutsi angadzingi imali yabomakhwapheni njengaTakhona.
- BoSikheshe naTemahlungwane bakhulumisana ngenhlonipho lenkhulu, abakavami kutsetsisana.
- Sikheshe ufundzile kutsi indvuku ayiwakhi umuti. Angahle angambeki sandla Temahlungwane njengobe bekenta kuTakhona.
- Sikheshe utawulalela imibono yebatali bakhe. Akatange abalalele nabatsi angamyisi Takhona edolobheni.
- Temahlungwane uyabatsandza labantfwana badzadzewabo, loko kungenta Sikheshe amtsandze kakhulu.

Bafundzi bangengeta kuloluhla lolungenhla letinye tigameko letihambisana nembuto. Badzinga emaphuzu lasihlanu kuphela.

**NOBE**

**1.2      Nankha emaphuzu langatsintfwa nakuphendvulwa lombuto.**

- Takhona akalaleli nangabe Sikheshe amekhuta ngekubuya ebusuku ekhaya, Sikheshe wate wambeka sandla.
- Takhona upenda tingalo lekuyintfo langayijabuleli Sikheshe.
- Mgwazeni uyamkhulumisa ngendlela latiphatsa ngayo, kodvwa naye akamlaleli, Sikheshe wamyekelisa kusebenta.
- Batali bakhe bayetama kumkhulumisa kutsi akehlukane naDlamini, uyise akafuni nekumbona Dlamini emtini wakhe. Takhona akalaleli. Wahamba wayohlala emcashweni naDlamini.
- Sikheshe wayekelisa Takhona umsebenti wambuyisela eMzaceni ngobe angafuni kwehlukana naDlamini. Takhona akayitsandzi imphilo yasemakhaya.
- Takhona uphika umyeni wakhe embikwebantfu bonkhe. Wala ngisho babekati wakhe amncenga kutsi abuyele ekhaya angayi kuyohlala naDlamini ngobe asengakamati kutsi ungumuntfu lonjani. Takhona wachubeka waya kuMatsapha endlini lecashwe nguDlamini. Imphilo yakhe naDlamini ayibanga ngulendze ngobe Dlamini waboshwa.

- Takhona watisola ngesikhatsi alahlekelwa nguDlamini nemsebenti, eswela nendlu yekuhlala. Dlamini wacolisa kumkakhe LaNdlela lokukhombisa kutsi nakaphuma ejele ubuyela kubantfwabakhe. Takhona utawusala ebaleni.
- Sikheshe watsatsa Temahlungwane kutsi abe ngumkakhe.
- Takhona weva buhlungu ngobe angeke akhone kubuyela kuSikheshe.
- Takhona kumele abuyele ekhaya. Imphilo itawuba lukhuni ngobe uyise abengafuni ashiye Khumalo.
- Takhona uphelelwe ngumsebenti.
- Umyeni wakhe sewunemfati.
- Takhona sewute indzawo yekuhlala kuMatsapha.
- Tonkhe letintfo leti timvisa buhlungu.

Bafundzi bangengeta kuloluhla lolungenhla leminye imibono lehambelana nembuto.

## **INOVELI** *Bungani Bebangani: S.M. Magagula*

### **UMBUTO 2**

Nankha emaphuzu langasetjentiswa nakuphendvulwa.

- Live liyahlonishwa liphindze latiwe ngemasiko alo. Leli lisiko letfu lekumele silichube.
- Lisiko lelikhutsata kutsi tintfombi titigcine, tingayi ecasini tingakatsatfwa.
- Lisiko lelisitako ekunciphiseni lizinga lekukhulelwa kwelusha.
- Uma tintfombi tishuca emhlangeni tisuke tishukumisa umtimba, kufana nekutivocavoca, lokubalulekile emphilweni.
- Umhlanga wakha emaguma asebukhosini, usita tintfombi kutsi tetayele kulehla.
- Umhlanga uhlanganisa tintfombi letibuya etindzaweni letehlukene. Tingashiyelana ligwayi, tichushisane nangemphilo.
- Umhlanga ufundzisa lusha kutiphatsa kahle nobe batali bangekho.
- Uyalugcogca lusha sikhatsi lesingangeliviki lonkhe. Kunyenti labangakwenta emakhaya lokuphambene ngobe tikolo tisuke tivaliwe nalesikhatsi kunemhlanga.
- Emhlangeni kuba netinhlango letifundzisa tintfombi indlela yekutiphatsa kanye nemisebenti yetandla. Loku kuyatisita tintfombi ngobe tiyakhona kubuta imibuto ngekukhululeka, kakhulu ngobe tisuke tikhuluma nebantfu labangaphili nato onkhe emalanga.
- Tivakashi tiyeta eveni titewubukela umhlanga nasekugidvwa. Loku kwakhela live imali, leto tivakashi tiyawukhuphula umnotfo welive.
- Bosomabhizinisi labanyenti bayalitfola litfuba lekutsengisa, batsengisele letintfombi netivakashi nalabo labete kutewubukela.
- Tibiyo ticasha bantfu labatawuphekela letintfombi. Loko kwakha ematfuba emsebenti.

Bafundzi bangengeta leminye imibono lehambisana nembuto.

## **NOBE**

### UMBUTO 3

Nankha emaphuzu langasetjentiswa nakuphendvulwa lombuto.

- Lusha lusakhulelwa njengabo-Agnes naSdudla, lulahlekelwe likusasa lwabo.
- Bantfu basaya ecasini bangakasebentisi kwekutivikela.
- Luphenyo luyakhomba kutsi linani lebantfu labatfola leligciwane liyenyuka. Loko kuluphawu lwekutsi bantfu abatiphatsisi kwebantfu labatiko ngalesifo.
- Kunemaphilisi latsintsibalisa leligciwane, latfolwako emitfolamphilo mahhala. Labanye bantfu basesaba kutiveta kutsi banalo leligciwane. Labanye abawatsatsi lamaphilisi. Loko kuyalenyusa lizinga lebantfu lababulawa nguleligciwane njengaThuli lowagcina afile.
- Linani lebantfu labagagadlelwako liyenyuka nalo. Bantfu besilisa lababoshelwa kugagadlela banyenti kakhulu.
- Banyenti bantfu labanatsa emaphilisi ekutsintsibalisa leligciwane. Loko kuyakhomba kutsi basebanyenti bantfu labangatiphatsi ngekucaphelisisa kutsi bativikele kute bangalitfoli leligciwane.
- Bantfu labatsengisa ngemtimba solo bakhona abalesabi leligciwane.

Bafundzi bangengeta leminyane imibono lehambisana nembuto.

**SIGABA B                    EMATHEKSTHI EMBHALOMBIKO**

**UMBUTO 4                    I-ATHEKILI YELIPHEPHANDZABA**

I-athekili ayilandzele nati timiso:

- Sihloko se-athekili.
- Umbhali we-athekili.
- Emaphuzu lamcoka afakiwe.
- Tindzima tihlelwe ngendlela lefanele.
- Lulwimi lolusetjentiswako ngulolufanele.
- Siphetfo.

Bona irubhrikhi yekumaka i-athekili yeliphephandzaba.

**UMBUTO 5                    UMLANDVOMUFI**

Umlandvomufi awuvete loku lokulandzelako:

- Emabito emufi nebatali bakhe.
- Lusuku lwekutsalwa kwakhe.
- Indzawo labekadze ahlala kuyo.
- Tikolo lafundza kuto.
- Tindzawo lasebente kuto.
- Umsebenti lawentele ummango.
- Tihlobo takhe latishiyako.

Bona irubhrikhi yekumaka umlandvomufi.

**SAMBA: 100 emamaki**

**SIGABA A IRUBHRIKI YEKUHLOLA INDZABAMBHALO – YENOVELI NEMDLALO****UMBUTO 1–3**

<b>Timpawu</b>	<b>Emalengiso</b>	<b>Licophelo lelisetulu</b>	<b>Lokwenetisako</b>	<b>Lokusilele</b>	<b>Lokungaphumelelisi</b>
<b>LOKUCUKETFWE</b>	<b>20–16</b>	<b>15–14</b>	<b>13–12</b>	<b>11–10</b>	<b>9–0</b>
<p>Kuchazwa kwesihloko Kujula kwemibono Kwesekelwa nekuvisiswa kwetheksthi</p> <p><b>20 EMAMAKI</b></p>	<ul style="list-style-type: none"> <li>Imphendvulo leneminingwane lengemalengiso lababatekako: 20–18.</li> <li>Imphendvulo leneminingwane lengemalengiso langababateki: 17–16.</li> <li>Sihloko sichazwe ngalokujulile.</li> <li>Luchungechunge lwemaphuzu lababatekako ekwesekela lacashunwe etheksthini.</li> <li>Luhlobo lwembhalo kanye netheksthi kuvisiswe ngemalengiso.</li> </ul>	<ul style="list-style-type: none"> <li>Imphendvulo leneminingwane lesecophelweni lelisetulu.</li> <li>Sihloko sichazwe ngelicophelo lelisetulu kukhomba kusivisa.</li> <li>Lamanye emaphuzu ekwesekela ayevakala ngendlela lelindzelekile.</li> <li>Luhlobo lwembhalo kanye netheksthi kuvisiswa ngelicophelo lelisetulu.</li> </ul>	<ul style="list-style-type: none"> <li>Sihloko sichazwe ngalokwenetisako kodvwa akusito tonkhe tihlangotsi leticikelele ngalokuphelele.</li> <li>Akhona lamanye emaphuzu lamahle lesekela sihloko ngalokwenetisako.</li> <li>Lamanye emaphuzu esekelwe kodvwa esikhatsini lesinyenti bufakazi abukholweki.</li> <li>Kukhona lokusilele ekuvisiseni luhlobo lwembhalo kanye netheksthi.</li> </ul>	<ul style="list-style-type: none"> <li>Sihloko sichazwe ngekunyanalata ngaphandle kweminingwane lesekelako.</li> <li>Ambalwa kakhulu emaphuzu lafanele kwesekela sihloko.</li> <li>Kuncane kakhulu kuvisiswa kweluhlobo lwembhalo netheksthi.</li> </ul>	<ul style="list-style-type: none"> <li>Kuncane kakhulu kuvisiswa kwesihloko.</li> <li>Mncane kakhulu umzamo wekuphendvula umbuto.</li> <li>Imibono ayikholweki.</li> <li>Luhlobo lwembhalo kanye netheksthi akukavisiswa nakancane.</li> </ul>
<b>SAKHIWO NELULWIMI</b>	<b>10–8</b>	<b>7–6</b>	<b>5–4</b>	<b>3–2</b>	<b>1–0</b>
<p>Sakhiwo Kuhleleka nekwetfula Kusetjentiswa kwelulwimi, umoya, nesitayela</p> <p><b>10 EMAMAKI</b></p>	<ul style="list-style-type: none"> <li>Sakhiwo lesibumbene</li> <li>Singeniso nesiphetho lesingemalengiso.</li> <li>Imibono yakhiwe yahleleka ngemalengiso.</li> <li>Lulwimi, umoya nesitayela kuvutsiwe futsi akunamaphutsa.</li> </ul>	<ul style="list-style-type: none"> <li>Sakhiwo lesicacile lesinemibono lehleleke ngelicophelo lelisetulu.</li> <li>Singeniso nesiphetho kanye naletinye tindzima kuhleleke ngalokubumbene.</li> <li>Imibono ihleleke ngelicophelo lelisetulu.</li> <li>Kunemaphutsa lambalwa elulwimi, umoya nesitayela.</li> </ul>	<ul style="list-style-type: none"> <li>Bukhona bufakazi lobutsi besakhiwo.</li> <li>Kuhleleka nekubumbana.</li> <li>Kuhleleka nekubumbana kwemibono kuyenetisa kodvwa kunemaphutsa.</li> <li>Lulwimi lunemaphutsa lambalwa; umoya nesitayela kuyenetisa.</li> <li>Kuhleleka kwetindzima kuyenetisa.</li> </ul>	<ul style="list-style-type: none"> <li>Sakhiwo sikhomba emaphutsa ekuhlela.</li> <li>Imibono ayikahleleki ngalokubumbene.</li> <li>Lulwimi lunemaphutsa lamanyenti.</li> <li>Umoya nesitayela akwemukeleki.</li> <li>Kuhleleka kwetindzima kunemaphutsa.</li> </ul>	<ul style="list-style-type: none"> <li>Kungahleleki kahle kwesakhiwo kukhinyabeta kubumbana kwemibono.</li> <li>Emaphutsa elulwimi nesitayela lesingakemukeleki kwenta lombhalo ungabi yimpumelelo.</li> <li>Umoya nesitayela akwemukeleki.</li> <li>Tindzima tihlangahlangene.</li> </ul>
<b>KWEHLUKA KWEMAMAKI</b>	<b>30–24</b>	<b>23–21</b>	<b>20–18</b>	<b>17–12</b>	<b>11–0</b>

**SIGABA B****IRUBHRIKI YEKUHLOLA ITHEKSTHI YEMBHALOMBIKO LOMUDZE WELULWIMI LWASEKHAYA****UMBUTO 4–5**

<b>Timpawu</b>	<b>Emalengiso</b>	<b>Licophelo lelisetulu</b>	<b>Lokwenetisako</b>	<b>Lokusilele</b>	<b>Lokungaphumelelisi</b>
<b>LOKUCUKETFWE, KUHLELA NESAKHIWO</b>	<b>20–16</b>	<b>15–14</b>	<b>13–12</b>	<b>11–8</b>	<b>7–0</b>
<p>Imphendvulo nemibono Kuhleleka kwemibono nakulungiselelwa kubhala Inhloso, tetsamelilwati, timpawu/timiso, nesimongcondvo</p> <p><b>12 EMAMAKI</b></p>	<ul style="list-style-type: none"> <li>• Imphendvulo lengemalengiso lababatekako.</li> <li>• Imibono ivutsiwe, inekuhlakanipha, lokukhombisa kucabanga lokujulile.</li> <li>• Lwati lolungemalengiso lwetimpawu teluhlobo lwetheksthi lebhawako.</li> <li>• Umbhalo ucondze ngco.</li> <li>• Lokucuketfwe kunemibono lebumbene ngemalengiso.</li> <li>• Yonkhe imininingwane icaciswe ngemalengiso kantsi futsi yesekela sihloko.</li> <li>• Sakhiwo lesifanele lesingemalengiso nalesingenamaphutsa.</li> </ul>	<ul style="list-style-type: none"> <li>• Imphendvulo lesecophelweni lelisetulu.</li> <li>• Lwati lolusecophelweni lelisetulu lweluhlobo lwetheksthi lebhawako.</li> <li>• Umbhalo ucondze ngco – awutsemeleti.</li> <li>• Lokucuketfwe kunemibono lebumbene ngelicophelo lelisetulu</li> <li>• Imininingwane yetfulwe ngelicophelo lelisetulu kantsi yonkhe yesekela sihloko.</li> <li>• Sakhiwo lesemukelekako lesinemaphutsa langasho lutfo.</li> </ul>	<ul style="list-style-type: none"> <li>• Imphendvulo leyenetisako, lekhombisa lwati lweluhlobo lwetheksthi lebhawako.</li> <li>• Umbhalo awukacondzi ngco ngalokuphelele, unekutsemeleta lokutsite.</li> <li>• Emaphuzu alokucuketfwe abumbene ngalokwenetisako.</li> <li>• Leminye imininingwane iyasesekela sihloko.</li> <li>• Sakhiwo siyenetisa kodvwa sinemaphutsa latsite.</li> </ul>	<ul style="list-style-type: none"> <li>• Imphendvulo lecatfutako lekhombisa lwati loluncane lweluhlobo lwetheksthi lebhawako.</li> <li>• Umbhalo unekutsemeleta lokunyenti.</li> <li>• Kubumbana kwemaphuzu alokucuketfwe kuncane kakhulu.</li> <li>• Imbalwa imininingwane leyesekele sihloko.</li> <li>• Imitsetfo netimiso letibalulekile tesakhiwo setheksthi atikalandzelwa ngalokufanele.</li> <li>• Kunyenti lokubalulekile lokusilele.</li> </ul>	<ul style="list-style-type: none"> <li>• Imphendvulo ayikhombisi nakancane kuba nelwati lwetimpawu teluhlobo lwetheksthi lebhawako.</li> <li>• Inshokutsi iyanhlanhlatsa, igcwele kutsemeleta lokunyenti.</li> <li>• Emaphuzu alokucuketfwe akakabumbani nakancane.</li> <li>• Imbalwa kakhulu imininingwane leyesekele sihloko.</li> <li>• Imitsetfo netimiso tesakhiwo setheksthi letibalulekile atikalandzelwa nakancane.</li> </ul>

<b>LULWIMI, SITAYELA NEKUHLUNGWA KWEMAPHUTSA</b>	<b>8</b>	<b>7–6</b>	<b>5–4</b>	<b>3–2</b>	<b>1–0</b>
<p>Umoya, irejista, sitayela, inhloso, tetsamelilwati nesimongcondvo Timiso nekusetjentiswa kwelulwimi Kukhetseka kwemagama Timphawu tekufundza nekubhala nesipelingi</p> <p><b>08 EMAMAKI</b></p>	<ul style="list-style-type: none"> <li>Umoya, irejista, sitayela nesilulumagama kuhambelana ngemalengiso nenhloso, tetsamelilwati nesimongcondvo.</li> <li>Luhlelo alunamaphutsa kantsi futsi icambeke kahle.</li> <li>Esikhatsini lesinyenti akunamaphutsa.</li> </ul>	<ul style="list-style-type: none"> <li>Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngelicophelo lelisetulu.</li> <li>Luhlelo luvame kungabi nemaphutsa kantsi futsi umbhalo ucambeke ngelicophelo lelisetulu.</li> <li>Silulumagama sisecophelweni lelisetulu.</li> <li>Emaphutsa ambalwa kakhulu.</li> </ul>	<ul style="list-style-type: none"> <li>Umoya, irejista, sitayela nesilulumagama kuhambelana nenhloso, tetsamelilwati nesimongcondvo ngalokwenetisako.</li> <li>Kunemaphutsa latsite eluhlelo.</li> <li>Silulumagama lesenetisako.</li> <li>Emaphutsa akayiphazamisi inshokutsi.</li> </ul>	<ul style="list-style-type: none"> <li>Umoya, irejista, sitayela nesilulumagama akuhambelani kahle nenhloso, tetsamelilwati nesimongcondvo.</li> <li>Kunemaphutsa lamanyenti eluhlelo.</li> <li>Silulumagama sincane kakhulu.</li> <li>Inshokutsi iyaphazamiseka.</li> </ul>	<ul style="list-style-type: none"> <li>Umoya, irejista, sitayela nesilulumagama akuhambelani nakancane nenhloso, tetsamelilwati nesimongcondvo.</li> <li>Kugcwele emaphutsa lamanyenti ladidanako.</li> <li>Silulumagama asihambisani nakancane nesihloko nenhloso.</li> <li>Inshokutsi ihlangahlangene kakhulu.</li> </ul>
<b>KWEHLUKA KWEMAMAKI</b>	<b>16–20</b>	<b>14–15</b>	<b>12–13</b>	<b>8–11</b>	<b>0–7</b>